

神農古本草經

中國古醫學會
印行

古醫湯液叢書

神曲
古本草經

劉復



神農古本草經序

神農古本草三品。品各一卷。合三百六十五藥。伊尹撰用本草。以爲湯液。仲景論廣湯液。以爲傷寒。聖作賢述。源遠流長。乃漢晉而後。爲道家陶弘景所竄亂。陶氏其神農之罪人哉。醫官玄稿論其集註。漸成潤色。文獻通考斥其論證。多作謬語。蓋亦有所見而云然。唐慎微撰經史證類大觀本草。所據者爲陶本而非古本。李時珍撰本草綱目。所據者爲唐本而非陶本。至若繆希雍盧之頤劉若金鄒潤菴輩。徒據唐本。以求經文。未免荒陋。而張隱菴葉天士陳修園張山雷輩。未見大觀。僅據綱目。則更失之遠矣。惟清儒孫星衍顧觀光兩氏輯本。知以太平御覽爲據。較之綱目諸本。有足多者。今讀王壬秋先生校刊本。其題記云。求之六年。嚴生始從長安得明翻本。蓋古本也。古本在茲。三品具備。終始貫通。原爲完璧。然則題記所稱聊存梁以來之彷彿一語。雖直指爲陶氏以前。漢晉世傳之古本。可也。嘗考醫學

源流。古分二派。一曰炎帝神農。二曰黃帝軒轅。神農傳本草。黃帝傳鍼灸。家法不同。學派遂異。後漢張仲景。農伊家也。所廣湯液。爲集經方之大成。凡治經方者。以湯液爲主。凡治湯液者。以本草爲主。而本草致用。又以證候爲重。與岐黃家法。鍼灸學派。專重藏府經絡者不同。是以知神農古本草中。凡有固執藏府經絡者。皆當屬於岐黃。例如赤芝味苦益心氣。黑芝味鹹益腎氣。青芝味酸補肝氣。白芝味辛益肺氣。黃芝味甘益脾氣。以五色五味。分配五藏。絕非神農家法。觀其以紫芝味甘溫益精氣者。殿於五芝之後。是以紫芝爲五芝之大主也。證以五雲母不言各隨五色安五藏。更不以雲華爲五雲母之大主。但言安五藏益子精而已。然則五石脂各隨五色補五藏。正與五芝各隨五色益五藏。同屬岐黃家言。不然。消石味苦寒。主五藏積熱。石斛味甘平。主五藏虛勞。皆以一味而同主五藏者也。卽如白芝味辛益肺氣。而沙參則以苦味益肺氣也。再如黑芝味鹹益腎

氣而玄參則以苦味補腎氣也。石南則以辛味養腎氣也。考御覽引神農本草別經有紫。白。青。赤。黃。黑。六石英。於赤石英下著錄味苦補心氣五字。又引石硫黃。青。赤。三品。於石硫青下著錄主益肝氣明目六字。是亦岐黃家五色五味入五藏之說。疑宋初太平興國時神農異本猶有存者。昔孔子沒而微言絕。七子喪而大義乖。故春秋分爲五。詩分爲四。我神農本草之有異本。蓋猶是耳。又女苑主霍亂。按霍亂原爲岐黃病名。非農伊家所宜有也。大棗助十二經。按十二經脈原爲鍼灸所重。非湯液家所宜言也。類如斯例。未可憚舉。第此誤尙在陶弘景前。大抵出於由岐黃而農伊之王叔和。或由湯液而鍼灸之皇甫謐。抑早出於吳普李當之等。均未可知。但絕非華佗所爲。以佗尙割治。非湯液之徒也。又古本三卷。初無目錄。惟冠有本說一卷。後人改稱名例。或稱序例。或稱序錄。然試繹其義理。多與湯液經法不合。其開宗卽以上藥一百二十種。多服久服不傷人爲說。

按三品衆藥。具有多服久服之明文者。都一百五十餘。除上品外。中品亦達二十以上。卽下品之銖丹葭蓉子翹根蜀椒。皆與焉。是知可多服久服者。固不僅夫上品也。乃道家影射。妄倡神仙服餌之說。不知頓服而量重者謂之多。不愈而連服者謂之久。非謂終身服食之也。本說又言。上藥爲君主養命。中藥爲臣主養性。下藥爲佐使主治病。宜用一君二臣三使五佐。又可一君三臣九佐使也。若然。則湯液經之桂枝湯。僅用五藥。似已違越此君臣佐使之法度矣。况桂枝甘草大棗俱上品。芍藥生薑俱中品。方制爲三君二臣。更無下品佐使治病之藥。似又違越此三品分主之法度矣。再如麻黃湯僅用四藥。桂枝甘草屬上品。杏仁屬下品。人皆知麻黃發表出汗。爲本方治病之主藥。乃中品而非下品也。然則所謂下藥爲佐使主治病者。豈其然乎。揆厥經義。不過三品分卷。而以緩藥居上。重藥居中。峻藥居下。凡藥皆毒。毒則疾病可愈。愈則性命可養。非必上品養命。中品

養性。下品治病也。本說又言。療寒以熱藥。療熱以寒藥。飲食不消。以吐下藥。按陸英味苦寒。主膝寒痛。王孫味苦平。亦主膝冷痛。非療寒以寒藥歟。麻黃味苦溫。主溫瘧。羊躑躅味辛溫。亦主溫瘧。非療熱以熱藥歟。至於朮主消食。水蘇主殺穀。孔公擘主傷食不化。滑石主蕩胃中積聚。柴胡主腸胃中結氣。飲食積聚。此數者非吐下藥也。與消石大黃巴豆甘遂葶藶狼毒等不同。然並能主飲食不化。何也。蓋藥各有味。卽味以求性。性各有能。卽能以求效。故藥之治病。不必以理求。但求茲神農嘗試之效能耳。例如桂枝利關節。芍藥利小便。麻黃發表出汗。大黃通利水穀。卽此效能。以爲治病之基本原則。可也。不必於此基本原則之外。再求其理。否則非附會卽穿鑿矣。至於陰陽配合。子母兄弟。相須相使。相畏相惡。亦皆徒託空言。難於徵實。於以足知本說一卷。亦三國兩晉岐黃家言。其不可據爲神農本草之定例也明矣。而孫顧兩氏。不知此義。且未見古本。沿襲前人之積

誤。誤以本說爲輯神農本草之大綱。兩氏爲長於考古之儒。而非醫家。是又不必以醫義相責也。夫神農爲內聖外王之古儒。本草爲格物致知之古經。與靈樞素問。出於道家玄學者。固道不同。不相爲謀也。今欲昌明經方。發皇湯液。舍我神農本草三品。孰能與于斯。爰遵古本。付諸剞劂。不改一字。不移一條。悉仍王秋先生原刊之舊。並取孫顧輯本。鉤考遺文。別附於三品之末。以備文質。學者其能循此以仰溯仲景傷寒伊尹湯液之淵源乎。孔子曰。後生可畏。焉知來者之不如今也。復性至愚。願與來學共之。民國三十一年元旦。成都劉復民叔。譔於景伊草堂。

卷上 本說

附錄

第一卷 上品九部一四四種本說云。與此數不合。二百二

第二卷 中品九部一一五種本說云。與此數不合。一百二

第三卷 下品九部一〇六種本說云。與此數不合。一百二

卷下 逸文

異考

敘

梁七錄始載神農本草三卷。陶弘景云。存四卷。是其本經。韓保昇云。上中下并序錄。合四卷也。陶列卷上。序藥性之原本。論病名之形診。卷中玉石草木三品。卷下蟲獸果菜米食三品。有名未用三品。又加中下目錄各二卷。分爲七卷。始改舊編矣。阮緒所錄。蓋用四卷本。而去其本說。以三品爲三卷乎。本草之名。始漢書平帝紀樓護傳。藝文志以爲黃帝內外經。故著錄無本草書名也。此書自陶所見本。已多附益。以爲張機華佗所爲。陶始以朱墨別之。然陶序已云。朱墨雜書。則其傳久矣。漢詔言方術本草。樓護誦醫經本草方術數十萬言。班固敘言。黃帝內外經。本草石之寒溫。原疾病之深淺。今所傳有黃帝內經。乃原疾病之書。則本草其外經與。淮南子云。神農嘗百草。蓋金石木果。燦然各別。唯草爲難識。炎黃之傳。唯別草而已。後遂本之。以分百品。故曰本草。余讀爾雅。釋草名類。十不識八。因以爲其草亦皆

藥品欲求本草正之。今世所傳。唯嘉祐官本。尙有圈別。如陶朱墨之異。而湘蜀均無其書。求之六年。嚴生始從長安得明翻本。其圈頗雜糅移奪。略依例正。而以藥品分卷。其言郡縣。皆合漢名。而以吳郡爲大吳。其藥有禹餘糧。王不留行。亦非周秦之文。其言鉛錫。正合書禮。而與魏晉後反異。然則出於仲景元化同時無疑也。其藥無古名。更在爾雅之後。蓋方家以今名改之。嘉祐本又大移改。前後悉不可復理。聊存梁以來之彷彿耳。於時歲在闕逢涪鴻。秋七月甲寅。王闔運題記。

凡三品。二百六十五種。除唐本退六種。不知少何種也。又三卷多寡不均。皆仍之。甲子重校。再記。

本說

神農本草卷上

上藥一百二十種爲君。主養命以應天。無毒。多服久服不傷人。欲輕身益氣不老延年者。本上經。中藥一百二十種爲臣。主養性以應人。無毒有毒。斟酌其宜。欲遏病補虛羸者。本中經。下藥一百二十五種爲佐使。主治病以應地。多毒。不可久服。欲除寒

熱邪氣破積聚愈疾者。本下經。三品合三百六十五種。法三百

六十五度。一度應一日。以成一歲。藥有君臣佐使。以相宣攝合

和。宜用一君二臣三使五佐。復按孫本願五使。唐本並作三佐五使。又可一君三臣

九佐使也。藥有陰陽配合。子母兄弟。根莖花實。草石骨肉。有單

行者。有相須者。有相使者。有相畏者。有相惡者。有相反者。有相

殺者。凡此七情。合和視之。復按唐本作之。當用相須相使者。孫本按合和時視之。

願本唐本並作當。勿用相惡相反者。若有毒宜制。可用相畏相

殺者。不爾。勿合用也。藥有酸鹹甘苦辛五味。又有寒熱溫涼四

氣。及有毒無毒。陰乾暴乾。采造時月。生熟。土地所出。真僞陳新。

竝各有法。藥性有宜丸者。宜散者。宜水煑者。宜酒漬者。宜膏煎者。亦有一物兼宜者。亦有不可入湯酒者。並隨藥性。不得違越。欲療病。先察其源。先候病機。五藏未虛。六府未竭。血脈未亂。精神未散。服藥必活。若病已成。可得半愈。病勢已過。命將難全。若用毒藥療病。先起如黍粟。病去卽止。不去倍之。不去十之。取去爲度。療寒以熱藥。療熱以寒藥。飲食不消。以吐下藥。鬼疰蠱毒。以毒藥。癰腫倉瘤。以創藥。風溼以風溼藥。各隨其所宜。病在胃膈以上者。先食後服藥。病在心腹以下者。先服藥而後食。病在四支血脈者。宜空腹而在旦。病在骨髓者。宜飽滿而在夜。夫大病之主。有中風。傷寒。寒熱。溫瘧。中惡。霍亂。大腹水腫。腸澼下利。大小便不通。賁豚上氣。欬逆。歐吐。黃疸。消渴。留飲。癖食。堅積。癥瘕驚邪。顛癇。鬼疰。喉痺。齒痛。耳聾。目昏。金創。踠折。癰腫。惡倉。痔瘻。癭瘤。男子五勞七傷。虛乏羸瘦。女子帶下。崩中。血閉。陰蝕。蟲蛇蠱毒所傷。此大略宗兆。其間變動枝葉。各宜依端緒以取之。

復按本說。爲岐黃家論本草之說也。非神農言。故義與三品不合。漢書藝文志云。經方者。本草石之寒溫。量疾病之淺深。按本草石三字之下。當有禽獸蟲魚等。而未言及者。省文也。論語學而。君子務本。集解云。本基也。此云。本草石禽獸蟲魚等之寒溫。以爲經方。猶言草石禽獸蟲魚等之寒溫。爲務經方之基本。余同學楊君回菴言。醫家製方之於本草。猶儒家治經之於小學。甲乙經序云。伊尹撰用神農本草。以爲湯液。是也。若並石而省之。則成本草之名矣。漢代湯液經師。命神農三品以本草之名。其取義也。正與藝文志同。

附餘

神農稽首再拜。問於太一小子。爲衆子之長。矜其飢寒勞苦。晝則弦矢逐狩。復按蔡邕月令章句云。獵是也。求食飲水。夜則巖穴飲處。居無處所。小子矜之。道時風雨。殖種五穀。去溫燥。隨逐寒暑。不憂飢寒風雨疾苦。抄本五十八。

神農稽首再拜。問於太一小子曰。鑿井出泉。五味煎煮。口別生熟。後乃食咀。男女異利。子識其父。曾聞太古之時。人壽過百。無殂落之咎。獨何氣使然耶。太一小子曰。天有九門。中道最良。日月行之。名曰國皇。字曰老人。出見南方。長生不死。衆耀同光。神農乃從其嘗藥。以拯救人命。路史炎帝紀注。御覽七十八。

太一子曰。凡藥上者養命。中藥養性。下藥養病。復按。藝文類聚。以上四句。同。

草經神農乃作耨鞭鉤鋤。從六陰陽。與太一外。復按。孫星衍曰。巡字。五岳

四瀆。土地所生。草石骨肉。心皮毛羽。萬千類皆鞭問之。復按。孫星衍曰。

耨鞭鉤鋤。當是責辨問之。卽辨問之。製之。假音。鞭問之。卽辨問之。得其所能主治。當其五味。百七十餘

毒。御覽九百八十四。

上藥令人身安命延。昇天神仙。遨遊上下。役使萬靈。體生毛羽。

行廚立至。抱朴子內篇十。

中藥養性。下藥除病。能令毒蟲不加。猛獸不犯。惡氣不行。衆妖

併辟。同上。

藥物有大毒。不可入口鼻耳目者。卽殺人。一曰鉤吻。二曰鴆。三曰陰命。四曰內童。五曰鳩。宋本傳物志七

藥種有五物。一曰狼毒。占斯解之。二曰巴豆。藿汁解之。三曰藜蘆。湯解之。四曰天雄烏頭。大豆解之。五曰班茅。戎鹽解之。毒菜害小兒。乳汁解。先食飲二升。同上

五芝及餌丹沙玉札。曾青雄黃雌黃雲母太一禹餘糧。皆可單服之。皆令人飛行長生。抱朴子內篇十一

春夏爲陽。秋冬爲陰。文選賦注

春爲陽。陽溫生萬物。文選詩注

五味養精神。強魂魄。五石養髓。肌肉肥澤。諸藥其味酸者。補肝。

養心。除腎病。其味苦者。補心。養脾。除肝病。其味甘者。補脾。養肺。

除心病。其味辛者。補肺。養腎。除脾病。其味鹹者。補腎。養肝。除肺

病。故五味應五行。四體應四時。夫人性生於四時。然後命於五

行。以一補身。不死命神。以母養子。長生延年。以子守母。除病究

年。御覽九百八十四

地有固活女疎銅芸紫苑之族。水經凍注

常山有草名神護。置之門上。每夜吐人。初學記五

復按右十三條。顧觀光氏輯爲神農本草之逸文。然嘗考諸書所引。如博物志稱神農經。藝文類聚稱本草經。梁七錄稱神農本草。隋書志稱神農本草經。據此足知陶氏所據者。亦世傳異本之一。孫星衍氏以其皆經所無。或亦在序錄中。爲後人節去。不知文略相似。乃傳本不同之故。然屬於岐黃家言者居多。縱言之。亦無非本說之逸文而已。非必神農之言也。故總列於右。而別題曰附餘。使不與三品逸文相亂焉。三品逸文。別詳卷末考異。復茲續輯二十七條於後。

古者民茹草飲水。采樹木之實。食羸蛇之肉。時多疾病。毒傷之害。於是神農乃始教民播種五穀。相土地宜。燥溼肥澆高下。嘗百草之滋味。水泉之甘苦。令民知所辟就。當此之時。一日而遇

七十毒。淮南子。修務訓。

神農氏。以赭鞭鞭草木。始嘗百草。始有醫藥。史記三皇本紀補。

伏羲氏。嘗味百藥。而制九針。以拯天枉。皇南經。紀。御覽。帝王二。

炎帝神農氏。始教天下耕種五穀而食之。以省殺生。嘗味草木。

宣藥療疾。以救天傷。人民百姓日用而不知。著本草四卷。上同。

岐伯。黃帝臣也。帝使岐伯嘗味草木。典主醫病。經方本草素問。

之書。咸出焉。上同。

上通神農。著至教。擬於二皇。黃帝內經素問。著至教論。

神農以爲走禽。難以久養民。乃求可食之物。嘗百草實。察鹹苦。

之味。教民食穀。賈誼書。御覽。七十八。

神農嘗百草。嘗五穀。蒸民乃粒食。陸景典略。御覽。七十八。

神農食品一卷。五藏論一卷。崇文總目。

神農黃帝食禁七卷。漢書藝文志。

黃帝內經十八卷。外經三十七卷。上同。